

objekata čija dužina prelazi 35 m, potrebno je vertikalama izdijeliti objekat u lamele,

- Spratnost objekta S+P+3 (treća etaža mora biti povučena),
- Procenat izgrađenosti parcele može biti od 30% do 50%, a koeficijent izgrađenosti (Ki) maksimalno 1,4 (bez podrumске etaže)".

Član 2.

Ova Odluka stupa na snagu danom objave na oglasnoj tabli Općine Trnovo a naknadno će se objaviti u "Službenim novinama Kantona Sarajevo".

Broj 01-02-3775/18 Predsjedavajuća
27. novembra 2018. godine Općinskog vijeća Trnovo
Trnovo **Emina Mehmedagić, s. r.**

Odluka objavljena na oglasnoj ploči Općine Trnovo dana 27.11.2018. godine.

Na osnovu člana 24. i 117. Statuta Općine Trnovo ("Službene novine Kantona Sarajevo", broj 12/08), Općinsko vijeće Trnovo, na 15. sjednici održanoj dana 27.11.2018. godine, donosi

ODLUKU

O PRODAJI ŠUMSKIH DRVNIH SORTIMENATA

Član 1.

Odobrava se prodaja šumskih drvnih sortimenata shodno Rješenju Ministarstvu privrede Kantona Sarajevo, broj 07-06-26-13653-6/18, od 19.11.2018. godine i Zaključka broj 07-06-26-13653-7/18, od 20.11.2018. godine, kojim je data konačna saglasnost Općini Trnovo za krčenje šume odnosno promjenu namjene šumskog zemljišta a radi izgradnje saobraćajnice u sklopu Urbanističkog projekta "Poslovno-sportski centar Trnovo".

Član 2.

Ovlašćuje se Općinski načelnik da u skladu sa propisima koji regulišu ovu oblast provede postupak prodaje.

Član 3.

Ova Odluka stupa na snagu danom objave na oglasnoj tabli Općine Trnovo, a naknadno će se objaviti u "Službenim novinama Kantona Sarajevo".

Brj 01-02-3771/18 Predsjedavajuća
27. novembra 2018. godine Općinskog vijeća Trnovo
Trnovo **Emina Mehmedagić, s. r.**

Odluka objavljena na oglasnoj ploči Općine Trnovo dana 27.11.2018. godine.

Na osnovu člana 7. Zakona o stvarnim pravima ("Službene novine Federacije BiH", broj 66/13 i 100/13), člana 10. Zakona o cestama FBiH ("Službene novine Federacije BiH", broj 12/10) i člana 24. Statuta Općine Trnovo ("Službene novine Kantona Sarajevo", broj 12/08), Općinsko vijeće Trnovo, na 15. sjednici održanoj 27.11.2018. godine, donosi

ODLUKU

O PRESTANKU STATUSA NEPOKRETNOSTI U OPĆOJ UPOTREBI

Član 1.

Utvrđuje se da je izgubilo status nepokretnosti u općoj upotrebi zemljište označeno kao:

- k.č. br. 3071/7, površine 17 m², k.č.br. 3071/8, površine 3 m², k.č. 3071/9, površine 96 m², i k.č. 3071/10, površine 29 m², nekategorisani put upisano u ZK ulošku broj 86 K.o. Presjenica.

Član 2.

U zemljišnim knjigama Općinskog suda u Sarajevu, brisat će se upis nepokretnosti "dobro u općoj upotrebi-put" iz člana 1. ove

odluke i isto će biti upisano sa pravom vlasništva na ime Općina Trnovo, sa dijelom 1/1.

Član 3.

Ova Odluka stupa na snagu danom objave na oglasnoj tabli Općine Trnovo, a naknadno će se objaviti u "Službenim novinama Kantona Sarajevo".

Broj 01-02-3773/18 Predsjedavajuća
27. novembra 2018. godine Općinskog vijeća Trnovo
Trnovo **Emina Mehmedagić, s. r.**

Odluka objavljena na oglasnoj ploči Općine Trnovo dana 27.11.2018. godine.

Na osnovu člana 24. stav 1. tačka 7. Statuta Općine Trnovo ("Službene novine Kantona Sarajevo", broj 12/08), Općinsko vijeće, na 15. sjednici održano 27.11.2018. godine, donosi

ODLUKU

O VANSUDSKOJ NAGODBI

Član 1.

Ovom Odlukom se utvrđuje način rješavanja imovinsko-pravnog odnosa po okončanju sudskog spora koji se vodio između Ramić Naima i Ramić Salke kao Tužitelja sa jedne strane i Općine Trnovo kao Tužene sa druge strane.

Član 2.

Predmet sudskog spora bio je tužbeni zahtjev usmjeren na predaju u posjed i isplatu naknade za zemljište i štetu u odnosu na nekretnine čiji su suvlasnici Ramić Naim i Ramić Salko.

Presudom Vrhovnog suda FBiH br. 65 O P 101393 15 od 17.10.2017. godine preinačene su nižestepene presude u postupku na način da su tužitelji odbijeni sa tužbenim zahtjevom u cijelosti.

Član 3.

Tužitelji su uputili zahtjev za vansudsko rješavanje predmeta te su predmetni spor okončali povlačenjem Apelacije sa Ustavnog suda BiH od strane Tužitelja.

Općina Trnovo nije pokrenula protivizvršenje temeljem Presude Vrhovnog suda FBiH br. 65 O P 101393 15 od 17.10.2017. godine po pravosnažnosti iste, jer su stranke uputile zahtjev za vansudsko rješavanje postupka.

Član 4.

Općina Trnovo je saglasna da se temeljem ove Odluke a u skladu sa dokumentima iz spisa predmeta sa Tužiteljima zaključni Sporazumom o vansudskoj nagodbi kojim će se definisati obaveze ugovornih strana.

Član 5.

Općina Trnovo je saglasna da neće pokretati protivizvršenje temeljem Presude Vrhovnog suda FBiH br. 65 O P 101393 15 od 17.10.2017. godine.

Član 6.

Općina Trnovo prihvata zahtjev za sporazumno rješavanje spornog odnosa na način da se ista upiše kao vlasnik i posjednik nekretnina 1/1 i to na sljedeći način:

- za vrijednost isplaćene glavnice u iznosu od 12.110 KM da se uknjiži kao vlasnik i posjednik nekretnine označene kao k.č. 2208/3 k.o. Trebečaj, ukupne površine 2422 m²;
- za preostalu vrijednost isplaćenih sredstava u iznosu od 23.349,11 KM da se uknjiži kao vlasnik i posjednik nekretnina označenih kao k.č. 2756 površine 2065 m² i k.č. 2745/2 površine 300 m² sve k.o. Trebečaj.

Predmetne vrijednosti utvrđene su procjenama od strane ovlaštenog sudskog vještaka u spisu predmeta.